

## 7. gr.

Sá, sem leyfi fær til búfjárhalds, er ábyrgur fyrir vörslu þess og ber ábyrgð á tjóni, sem það kann að valda vegna óhollustu, óþrifnaðar, mengunar eða með ágangi á lönd eða eignir annarra. Eigandi búfjár ber ennfremur ábyrgð á öllum kostnaði sem kann að verða við handsömun og varðveislu þess. Selja má búfé til lúkningar kostnaði ef eigandi greiðir hann ekki. Salan skal fara fram innan þeirra tímamarkana og skv. þeim reglum sem settar eru í reglugerð um fjallskil, fyrir Hafnarfjörð og Gullbringusýslu (reglugerð um fjallskil fyrir Garðabæ verði hún sett).

## 8. gr.

Bæjarstjórn getur ákveðið að greiða skuli í bæjarsjóð gjald fyrir hvert veitt leyfi. Má ákveða gjald fyrir hvern grip, sem leyfi er veitt fyrir, eða ákveðna upphæð fyrir hvert leyfi.

## 9. gr.

Brot gegn reglugerð þessari varða sektum samkvæmt lögum.  
Með mál út af brotum skal farið að hætti opinberra mála.

Samþykkt þessi, sem bæjarstjórn Garðabæjar hefur samið og samþykkt, staðfestist hér með samkvæmt lögum nr. 44 23. maí 1964 til þess að öðlast gildi þegar í stað.

*Félagsmálaráðuneytið, 13. apríl 1983.*

F. h. r.  
**Jón S. Ólafsson.**

*Hólmfríður Snæbjörnsdóttir.*

**REGLUGERÐ****um heimilisþjónustu í Kirkjubæjarhreppi, Vestur-Skaftafellssýslu.**

## 1. gr.

Hreppsnefnd Kirkjubæjarhrepps fer með stjórn heimilisþjónustu í Kirkjubæjarhreppi. Dagleg umsjón með framkvæmd þessara mála er í höndum oddvita eða annars starfsmanns er hún væri falin sérstaklega.

## 2. gr.

Hlutverk heimilisþjónustunnar er að útvega aðstoð á heimilum aðra en hjúkrun. Þjónusta þessi stendur þeim til boða sem þurfa á aðstoð að halda við heimilisstörf vegna elli, sjúkdóma, örorku, barnsburðar, slysa, dauðsfalla eða af öðrum ástæðum að tilvísun læknis eða hjúkrunarfræðings eða öðrum tilvísunum sem hreppsnefnd metur gildar.

Hjálpin veitist þann tíma og á þann hátt, sem hreppsnefnd metur að nauðsynleg sé hverju sinni.

## 3. gr.

Heimilisþjónustan felur í sér eftirtalin atriði:

1. Aðstoð við aldraða í þeim tilgangi að gera þeim kleift að dvelja lengur í heimahúsum.
2. Aðstoð við sjúklinga í heimahúsum í þeim tilgangi að stytta sjúkrahúsvist eða jafnvel að koma í veg fyrir hana.
3. Aðstoð við heimili þar sem húsmóðir eða heimilisfaðir eru fjarverandi vegna veikinda.
4. Aðstoð við fatlaða, sem búa einir.
5. Önnur tilfelli, sem meta þarf hverjum sinni.

## 4. gr.

Um launakjör og hlunnindi starfsfólks heimilisþjónustunnar fer eftir ákvörðun hreppsnefndar. Skylt er starfsfólki að gæta þagmælsku um það, sem það fær vitneskju um í starfi sínu. Starfsfólki heimilisþjónustunnar skal gefinn kostur á að sækja námskeið til þess að auka þekkingu sína á þessu sviði.

## 5. gr.

Hreppssjóður Kirkjubæjarhrepps ber ekki fjárhagslega ábyrgð á tjóni, sem starfsfólk á vegum heimilisþjónustunnar kann að valda við störf sín, umfram það sem bætt er af sérstakri ábyrgðartryggingu, sem heimilisþjónustan kaupir.

## 6. gr.

Fyrir heimilisþjónustu skulu notendur greiða skv. gjaldskrá sem hreppsnefndin setur. Það skal tekið tillit til tekna og aðstæðna viðkomandi og kostnaðar við hjálpinu. Skal taxti þessi breytast í samræmi við laun og framfærslukostnað.

## 7. gr.

Heimilisþjónustan ræður ekki fast starfsfólk, heldur fari starfsemin fram eftir þörfum hverju sinni. Best væri að þeir sem þurfa á heimilishjálpi að halda hverju sinni, tilnefni og reyni að úrvega sér manneskjur sem þeir sjálfir óska. Þó skal leitast við að hafa sem minnstar vegalengdir á milli heimilis starfsfólks og heimilis þeirra sem hjálpinu þiggja.

## 8. gr.

Kirkjubæjarhreppur annast bókhald og fjárreiður heimilisþjónustunnar og skulu reikningar endurskoðast árlega með sama hætti og reikningar hreppssjóðs.

Reglugerð þessi, sem hreppsnefnd Kirkjubæjarhrepps hefur samið og samþykkt staðfestist hér með skv. lögum nr. 10 25. janúar 1952 um heimilishjálpi í viðlögum til þess að öðlast gildi þegar í stað.

*Félagsmálaráðuneytið, 11. apríl 1983.*

F. h. r.  
**Hallgrímur Dalberg.**

*Hólmfríður Snæbjörnsdóttir.*